



**S**imon apud Rhetos in Heluetia natus & educatus est. Is optimis literis à teneris annis operam dedit, & sua industria Græcarum literarum & artis Poëtices magnū sibi hinc inde in Academijs usum comparauit. Vnde uertit Dionysium de situ orbis uersibus heroïcis, qui Venetijs anno 1543 excusus fuit. Pari ratione Homeri Odyssea heroïco carmine transtulit, atq; Bucolicorum quinq; Aeglogas conscripsit. hisce (ipso petente) Epigramma adieci, in quo omnes dictiones à litera M incipiunt. Scripsit etiam libros quatuor de uirtutibus moralibus carmine. Cum hoc modo in literis promouendis foeliciter pergeret, peste grassante

Curia Heluetiorum fati concessit, anno 1550. Habuit is conterraneum Ioannem Pedionæum Rhetum, eumq; contemperaneum, qui & ipse uaria carmina scripsit, & hoc modo passim inter doctos innotuit.